

JAMHURI YA MUUNGANO WA TANZANIA
OFISI YA MSAJILI WA HAZINA

Anwani ya Simu: "MSAJILI WA HAZINA",
Simu Namba: +255-22-2121334
Nukushi: +255-22-2110046
Barua pepe: tr@tro.go.tz
Tovuti: www.tro.go.tz
(Mawasiliano yote ya Kiofisi yaandikwe kwa
Msajili wa Hazina na siyo kwa mtu binafsi)



Jengo la CHC
33 Mtaa wa Samora/Mirambo 50
S. L. P 3193
11104 DAR ES SALAAM.

Unapojibu tafadhali taja:

Kumb. Na. CBC.165/191/01/267

18 Disemba 2023

Wenyeviti na Wajumbe wa Bodi,
Taasisi, Mashirika ya Umma na Wakala za Serikali,
TANZANIA BARA.

Kuh: KUJUMUISHWA KWA WENYEVITI NA WAJUMBE WA BODI ZA TAASISI,
MASHIRIKA YA UMMA NA WAKALA ZA SERIKALI KWENYE
ORODHA YA VIONGOZI WA UMMA

Tafadhali rejea somo tajwa na Tangazo la Serikali Na. 857 la tarehe 24 Novemba 2023 ambalo limejumuisha Wenyeviti na Wajumbe wa Bodi za Taasisi, Mashirika ya Umma na Wakala za Serikali katika orodha ya viongozi wa umma.

2. Kufuatia Tangazo tajwa, Wenyeviti na Wajumbe wa Bodi za Taasisi, Mashirika ya Umma na Wakala za Serikali ni viongozi wa umma kwa mujibu wa Sheria ya Maadili ya Viongozi wa Umma, Sura ya 398. Kwa msingi huo, mnapaswa kuzingatia masharti ya Sheria tajwa ikiwemo kuanza kutoa Tamko la Rasilimali na Madeni kwa mujibu wa Kifungu cha 9 na cha 11 cha Sheria hiyo na kuwasilisha Tamko hilo kwa Kamishna wa Maadili kabla ya tarehe 31 Desemba, 2023 kupitia anwani zilizoambatishwa na barua hii. Fomu husika zinapatikana katika Tovuti ya Sekretarieti ya Maadili ya Viongozi wa Umma ambayo ni www.maadili.go.tz. Ni matumaini yangu kuwa mtazingatia suala hili kwa kutoa Tamko la Rasilimali na Madeni ndani ya muda uliopangwa kwa mujibu wa Sheria tajwa.

3. Kwa Wenyeviti na Wajumbe wa Bodi ambao wana nyadhifa nyingine ambazo zinawafanya watambulike kama viongozi wa umma kwa mujibu wa Sheria ya Maadili ya

Viongozi wa Umma, Sura ya 398, watatakiwa kuainisha nafasi zao za uongozi katika Bodi watakapokuwa wanajaza Tamko la mwaka 2023. Aidha, viongozi ambao tayari wameshawasilisha Tamko kwa Kamishna wa Maadili kwa mwaka huu (kipindi kinachoishia 31 Desemba, 2023 watatakiwa kumwandikia barua Kamishna wa Maadili kumtaarifu kuhusu nafasi zao za uongozi katika Bodi husika.

4. Pamoja na barua hii, naambatisha Tangazo la Serikali Na. 857 la tarehe 24 Novemba 2023 na Anwani za Ofisi za Sekretarieti ya Maadili urahisi wa rejea na urejeshaji wa Tamko.

5. Tunashukuru kwa ushirikiano wako.



L. W. Mauki

Kny: MSAJILI WA HAZINA

Nakala: Kamishna wa Maadili,
Ofisi ya Rais,
Sekretarieti ya Maadili ya Viongozi wa Umma,
Jengo la Kambarage,
Ghorofa ya Saba,
18 Barabara ya Jakaya Kikwete,
S. L.P. 225,
DODOMA.

“ Watendaji Wakuu,
Taasisi, Mashirika ya Umma na Wakala za Serikali,
TANZANIA BARA.